



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

In Nativitate D. N. Jesu Christi.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

Evangelio repetitur quadragesies, genuit hoc non est casu factum. Bern. Si enim nec unus de passeribus sine Patre caelesti cadit, putem ego de ore S. Evangelistae superfluum diffuere verbum, praesertim in sacra historia verbi? non puto, plena quippe sunt omnia supernis mysteriis. Quod hic mysterium? Commemoremus illud Pf. Quadragesima annis proximus fui generationi huic. Quadragesies ponitur genuit ab Abraham ad Christum. Occurrat & illud Pf. 109. In splendoribus Sanctorum ex utero ante Luciferum genui te. Christus ergo genitus in splendoribus Sanctorum quando genitus ex utero Matris, itaque mater habuit hos splendores. Angeli, Adam, Eva habuerunt hunc splendorem quod sine macula à DEO facti, itaque & B. Virgo habuit, dedit hunc splendorem Matri, quem nulli dedit alteri ut pareret Virgo, itaque multò magis dedit illum, quem etiam concessit. In splendoribus Sanctorum. Lorinus docet hunc locum à Patribus intelligi etiam de humana Christi generatione, quia ubi nos legimus. In die virtutis tuae. Chald. legit. In die quo praelium commiseris. Quod soli humanae generationi servit. Hinc cum in Liraniis in Bavaria caneretur, Mater admirabilis P. Rhem. advertebat ex imagine B. Virginis semper admirabilem prodire splendorem, ut scripsit P. Gans. Quia Virgo & genita & genuit in splendoribus.

### In Nativitate D. N. JESU Christi.

Quatuor res difficiles hominibus fuerunt circa DEUM 1. DEUM invenire Pf. 41. Fuerunt mihi lacrymae panes die ac nocte dum dicitur mihi ubi est DEUS tuus? Et quasi jam desperavisset de illo reperiendo in terra, dixit Pf. 35. Domine in caelo misericordia tua. Ecce modò Vagit Infans inter arcta conditus praesepia, &c. 2. Metuebat homo DEI manum, Job. lamentatur

A 2

tatur

tatur in suis malis. *Manus Domini tetigit me.* Et tandem orat. cap. 13. *Manum tuam longè fac à me.* Ecce modò. *Invenietis Infantem pannis involutum.* Jam se ab homine permittit ligari ut Samson à Dalila Jud. 16. sed quare permittit? *Placuit oculis meis.* 3. Vocem DEI metuebat homo. Gen. 3. vocat DEUS Adamum, *Adam ubi es?* At ille *Audivi vocem tuam & abscondi me.* Et vocem hanc pro morte reputavit populus. Exod. 20. *Nem loquatur nobis Dominus ne forte moriamur.* Jam non metue homo non loquitur verbum asperum, dicit potius sicut Joseph. Gen. 46. *Nolite timere, ego sum Joseph Frater vester.* Dabit veniam. 4. Terribilis erat homini Majestas DEI. *Ignis in circuitu ejus, Gladius de ore ejus procedebat.* At verò modò Isai. 11. *Declarat Infans ab ubere Isai.* 7. *Butyrum & mel comedet.* Quæ Majestas posita in præsepio inter animalia. Quid jam nobis dicit? *Pax in terra hominibus.* Quid à nobis, quod tributum accipit? *Verè linguores nostros ipse rulit.* Obfignat hanc benevolentiam erga nos tot miraculis. Hodie in specu Bethlèem fons novus erumpit. Sol apparet spicis coronatus, hinc paratus hominibus cibus & potus. In regione Transtiberina Romæ fons olei totà die fluit. Deceptoris hominum Apollinis Pythii oraculum obmutuit his ultimò dicitis. *Me Puer Hebræus Divos DEUS ipse gubernans Cedere sede jubet, tristemque redire sub orcum.* Iris signum pacis cœlo sereno comparet, & intra eam Puella cum Infante; hanc Iridem Sybilla Tyberina ostendit Augusto Imp. & ne illi deinceps Divini honores darentur prohibuit, ut scripsit Orosius lib. 6. c. 18. Vineæ Engaddi balsamum stillarunt.

### De Eadem Nativitate.

**D**UM mecum meditor quid sim hodie dicturus, obtulit se oculis mentis meæ quidam puerulus formosissimus, sed pasto-